

中華民國三十六年

東北要覽及名城地誌

陸軍大學印

東北要覽

編纂大意

一，本校爲使學員明瞭東北地位與中華民族生存之關係，及如何方能保有斯土，而有是編。

二，本編以（A）彙編說明東北歷史；以（B）附錄說明東北地理；以（C）地誌說明各都市之過去，現在與未來。爲使與軍事地理有區別計，名曰「東北要覽」。

三，本編以蒐集時賢論文，取其足資吾人參考者爲主，以由述編人之意見者爲次。故雖不無文摘之嫌，但却其實施與考據上之價值及功用。

四，本編地誌部分之排列，以預想將來戰跡旅行先後到達參觀之順序爲準。故以平津爲首，古北口殿後。只求便於閱覽，並非寓有等第。

五，本編所取之論文皆爲國內史地權威，且對東北史地研究確有心得之作，無絲毫宣傳意義在內。希望讀者應以顯明態度而信賴之爲宜。

東北要覽

感言

東北地廣大，富庶，自第一次日俄戰爭之後，始爲世人所發覺，所覬覦。而俄人至死不退，日人勢在必得，美人擬藉機滲入，國人誓死要保有這塊未來發展之生命線。故於東北一地構成國際間多角關係，各方勢均力敵，東北便成一穩靜局面；各方稍有一環軟弱，遂變成競爭激盪場面。自甲午戰以至今日之現狀，大概循此公例發展。

然東北爲一冰天雪地之區，古來國人視爲畏途，數千年間除肅遼寧省外，向來置鞏慶州未設直接統治。滿清由東北入主中國視爲龍興禁區，不許內地人移殖，因之該區地廣人稀，一切均未發達，迨國際勢力侵入相互角逐，國人始大夢初醒，大喊保有東北。夫東北爲中國之生命線，保有東北，始可保有中華民族之生存，此爲吾人所習知。惟何以東北爲中華民族之生命線與如何來保護這個民族生命線，則有待吾人之徹底研究。

東北要覽

二

爲期國人對東北皆有深刻印象與澈底認識，以全力開發此一塊處女園地，保有此一塊無盡寶藏，究用何法爲宜？吾人爲達上述要求，應將東北地理，政區，交通，物產，氣象，風俗，習慣等，用種種方法，調查，統計，研究，介紹，以期日將月就，漸臻精到。

茲爲達前項理論起見，特將關於東北各種歷史地理記載以及各專家調查記錄宏文鉅著輯爲是編，以介紹東北概況于同人之前。尤其吾陸大爲全國唯一軍事最高學府，吾同學諸君爲全國軍官中之菁華，于今後之東北建設與保有當有無上助力。謹以微見供研究之端，願與諸同學共努力焉。

編者盧鳳閣識

三五，八，一五，

A, 東北概況彙編目次

第一，東北名稱之界說

一，十省之說

二，九省之說

第二，東北地理之概況

一，區域，位置，面積及人口

二，地形，氣象，物產及交通

第三，東北自古迄今與內地之關係

一，夏，商，周，秦時代

二，漢，晉，隋，唐時代

三，五代，兩宋時代

四，元，明，清時代

重刊要覽目次

東北要覽 目次

第一章 康禍與戰爭 國聯建元以來
去，今後的展望

第四章 東北在國防上之地位及其價值

一、歷史上沿革上言之

二、就現代國際環境下言之

三、就時賢論衡中言之

四、吾人所見之上中下三策

附圖一、東北九省行政區域圖

附圖二、熱河省一般形勢圖

附表一、東北民族勢力消長與漢族國運隆替之關係

附表二、東北縣城歷代伸縮與名稱沿革

A 東北概况彙編

盧鳳閣輯

第一，東北名稱之界說

東北一詞，見諸周禮：東北人一詞風行於九一八事變之後。前者一望而知係指方位；後者一聽而知係指某一地方人士而言。但國人稱籍貫相異之士，常冠以省名，例如山東人，山西人，廣東人，廣西人。……惟對「東北人」稱謂，係一廣汎意義，東北共包括幾省？則知者甚寡：縱有知者，亦不甚詳，一叩其內容，鮮有不辭窮以遁者。此爲編者屢見之事。

夫吾國如爲一名實相稱之強國，則對此「東北人」涵義不分之名稱，當然無任何意外事件發生。惟處此強隣相伺之下，稍一不慎，彼等即可能根據素未注意的條約文字，以擴大其勢力範圍。何況歐美列強對於邊疆與內地之稱謂，悉有界說以爲制限；而我對東北人所居之省份，究有若干？誠有不能不詳作解釋，以正國人觀聽，俾能相機應付橫來的外侮之感。

孔子嚴主正名，現代科學家素重定義，今對東北名稱的涵義，必須有確定之界說，方能免去曩日行政上之錯誤與外交上之糾紛。有鑑于此，特將時賢對此名稱之評論摘錄於左，以供參考；

一、十省之說——東北權名

金毓黻

總今遼吉黑熱四省之地，而被以「東北」之稱，於前代雖有徵，迨民國乃爲定名，住在漢魏若開，則曰遼東，（注一）在兩晉南北朝則曰遼海（注二）在唐代則曰安東，（注三）清初嘗以盛京一名擬稱奉天（今遼寧）吉林黑龍江之地，（注四）洎乎末葉，則逕稱爲東三省，而今熱河尚不得與，又宋人嘗概稱遼東爲松漠，清賢亦泛名關外爲柳邊，（注五）國人恆言又有關東之稱，（注六）民國初建，各省形同割據，其強大者往往地跨數省，于是總今蘇皖浙贛閩粵之地而曰東南，又總今滇黔川桂之地方而曰西南，又總今晉陝甘寧青新之地而曰西北，再進而總今遼吉黑熱之地而曰東北，亦爲勢所必至，未幾又因明令設置東北軍事長官，而總稱四省駐軍爲東北軍，（注七）是則遼吉黑熱四省之定稱爲東北，乃由武人割宰，不得謂爲佳名，最近二十年爲稱說之便，幾乎一成不易，今欲取而權論，其義何居？

「滿洲」爲東北部族之稱，久爲學者所公認，清代官書嘗稱其入關以前，國號滿洲，（注八）研史者謂爲僞作，可以勿論。洎乎清季，俄據於北，日瞰於南，遂橫被東三省以滿洲之名，又分稱爲南滿北滿，以明示勢力範圍所在，（注九）日人意有不足，欲染指于哲里木盟及熱河東部，（注十）

乃強名其地曰「東蒙古」，於是又有「滿蒙」之稱，蓋今名遼吉黑熱四省爲東北，正與滿蒙一名之範圍相當。厥後藩變猝發，僞國出見，因譌承譌，名以滿洲，即以四省之地，爲其國境。今稱四省之地，不曰滿洲，而曰東北，正以明其居中國之東北，爲全疆之一部，立義甚當。若夫清代僞製之名，外人強數之稱，事由外鑠，義不當受，又有不待論者。

雖然，東北一詞，本爲對中央以明方位所在；用作地名，殊嫌廣泛，藉令此名可用，亦不能以遼吉黑熱四省專稱東北，即今河北山東察哈爾三省，亦恐莫之能外。嘗謂吾國稱名，例有省略，遼吉黑熱之總稱，本爲東北四省，今人習言東北，蓋略去四省二字，以爲東北四省之簡稱耳。抑今日之稱東北四省，一如前日之稱奉吉黑爲東三省，因之今人亦簡稱東北四省爲東四省，（亦可簡稱爲東省）蓋無論稱爲東北，或東北四省，皆以明其爲地方政區之定稱，然用爲對內之稱，尙無不可，若用以對外爲國際名詞，則大有可商，何則，蓋東北者，方位之之稱也，若對異邦人，而泛稱曰東北，必致生其疑誤，初不知吾之所謂東北，究爲何國之東北？于以知東北一詞，既非一地方之專名，即不足用以對外，而更有商量之餘地，此則余之是文所由作也。

大抵地方之名，如縣如省，皆爲政區所任，不過其範圍有大小廣狹之不同耳，然範圍小者，立名易愜，範圍廣者，涵義難明，例如縣名中之瀋陽，明其位於瀋水之陽，可以一覽而知，亦未嘗

與其他縣名相混，若云遼寧，義則難曉，或云：于遼陽廣寧各取一字，與今江蘇安徽福建甘肅爲三例，（注十一）或云願遼地之寧靜，則寧字乃非實義，再進而言東三省，或東北四省，則立名愈泛，唐初分全國爲十道，立名最當，如曰關內道，以其在函谷關以內也。曰山南道以其在秦嶺迤南也，曰河東道，以其在黃河之東也，曰江南道，以其在長江以南也，政區之名，淆於玄宗以後，玄宗分江南道爲東西兩道，宋代改稱爲江南東路江南西路，已而簡稱爲江東路，江西路，江西路即爲今江西省得名之由來，不知此故者，必謂江西省位于大江以西，豈不足以發噤而見嗤乎？稱名難曉，至于如此，正與東北四省簡稱爲東北，亦甚難曉，爲一例也。若夫以方位之名，泛指一地，成爲政區，亦非無據。如唐代節鎮中有朔方節度使，義謂其地當中國全區之北方，此一證也。漢人稱今新疆之地爲西域，元明以來又泛施之於亞洲西部，義謂其地在中國本土之西也，西域亦稱西陲，因之而有東陲西陲北陲之名，皆以泛指一方之地域而與朔方西域同義，此二証也。遼金之世，于今遼吉黑熱交界之地，置東北路招討司，雖不能概括四省，可謂以東北名地之見端，迨清人朝廷宋則撰東南紀事，以紀南明唐魯二王，又撰西南紀要，以述永曆之事，蓋以東南泛指江浙閩贛諸省，西南泛指滇桂諸省，正以爲東北一名概括四省之先例，此三証也。日本國內縣名，多仿中國，而別名仙台一帶之地爲東北，是則以方位之名，泛稱一地，亦非吾國所獨有，此四証也。

歐美人士嘗稱亞洲東部爲遠東 (Far East) (一作極東)，以別于土耳其諸國接近歐洲者爲近東，(Near East) 近東遠東諸名，皆緣以歐洲諸大國爲中心而成立，與吾國之對中矣。而稱東北，並無二致，此五證也。依此數證，則知以東北一詞概稱遼吉黑龍四省，于古今中外，並非無徵，今謂其名可商榷者，則以無論前代之朔方西域，今名之東北，皆爲對內之稱，而難取以對外耳。

謂日本專以滿洲一名稱東北四省，猶爲未達一間之論，何以明之？試檢歐美人士之著作，每逢撫舉舊東三省，或今東北，必稱爲 Manchuria 即爲滿洲一詞之譯音，(註十二)不僅歐美如此，即國人之用西文撰述者，亦多習用是稱，以爲當然，亦猶外人稱中國爲 (China)，吾國西文約章及著述中，嘗襲用而無以易之，其爲可恥，又孰甚焉。往日西籍固有直譯東三省爲 Three Eastern Province 者，然不多見，今祇日本人用滿洲一名，爲侵襲東北之先導，胡不於歐美及國人襲用其名時，而一正其稱？孔子謂爲政必先正名，是則今日所正名之事，誠莫先於此矣。

然則今之東北四省，對外宜用何名？試一爲商榷之。余謂對外宜用各省本名譯音，如遼寧省則稱 Liaon-ing，吉林省則稱 Kirin，黑龍江省則稱 Henh Nkangsi，熱河省則稱爲 Jenol，以明此地方政區共有四單位，而不必另立新名也。蓋吾國之省名，本爲地方行政之最高單位，不應於

其上再加以概括之名稱，例如美國之有四十八州，今直爲某州某州可矣。未聞其會合數州而別立一概括之名也，又如俄人侵略我烏蘇里江迤東之地，而名爲東海濱省，（一名海濱省即 Maritime Provinces）又據我黑龍江迤北之地，而名爲阿穆爾省，（Amur）未聞於此二省之上，而別冠以概括之稱也。或謂外人嘗稱吾東北四省及俄領諸地爲東北亞洲（North Eastern Asia）矣，而我國自稱東北一詞，易爲西文之 North China，列入國際條約及西文著述之中，使讀者不曉爲何意義，將以贗其嘲笑，何如各用四省本名之爲得乎。或又謂外人既概稱東北四省爲滿洲，而我國則應別立一妥實無疵之新名，以爲對待，否則連用四省本名，而簡稱爲遼吉黑熱，則於行文之際，亦極感其不便。余則謂別立新名，良非易事，且政區之分，定於中樞，四省之名，原與其他各省等列，若別立概括之名，將下與蒙古西藏並稱藩屬，予野心家以割據吞併之隙，是大不可也。

總之日本既製造僞國於東北四省之地，而稱之爲滿洲，則我稱其地爲東北四省，或簡稱爲東北，正爲稱說之便，不得不然。然用以對內則可，而非用以對外也。清代書合稱江蘇安徽江西三省爲兩江，又合稱湖北湖南爲湖廣，（注十三）兩省各置一總督領之，任其事者，號曰兼圻，然亦用以對內，而不得視爲國際名詞。吾嘗終夜以思，如用遼東遼海安東松漠柳邊之舊名，以概稱四省，作爲國際名詞，均屬不韋，如用關東一名詞譯作 Kwantung 以視唐代之關內道，似無不可，

然日本已名旅順大連之地爲關東州，而我襲用之，亦覺其可厭，於此以外又別無妥切無疵之名稱。萬不得已可援用外人用東三省譯名之例，於西文中作 The Four North-Eastern Provinces 以代東北四省或作 The Four Eastern provinces 以代東四省，然仍嫌涵義之難明，而無以對外，故權論對外之稱，仍舉各用四省本名之爲當也。

誤會吾說之旨者，必謂四省各用本名，足以減弱集體力量，而無以應付現局，然吾固已一再明言，四省各稱本名，僅爲用以對外，作爲國際名詞，若謂爲對內之稱，則於四省本名之外，仍概稱爲東北四省，（東四省）或東北，以示其爲一體，迨至僞國消滅，即以四省之名，爲中央政府下之最高單位，而於東北四省及東北之稱，僅於泛稱四省時偶一用之，而不得目爲地方政區之單位。至於滿洲之稱，凡據中西文之約章及著述，應絕對不用，以斷根株，如此則可永免野心家之利用及攫取矣。

近頃有謂東北爲不祥之名詞者，（注十四）吾友朱君宗孟曾痛駁之，以爲不當之論，（註十五）今除詭謂東北之稱，成爲武風割據，不得謂爲僞名，無乃助其張目，其實不然。余所斷斷致辯者，僅謂東北不稱用以對外，作爲國際名詞耳。而爲應付現局，對內而用東北之稱，則固主張也。訂與朱君淵爲同調。其謂東北之稱非僞名者，則由於推斷來源使然，而非謂其不可稱用，

語各有當，何得混爲一談。

今日國人嘗呼籍於東北四省爲「東北人」，蓋謂君等爲東北四省之人而已，然何以不呼籍於遼浙閩贛諸省者爲東南人，籍於滇黔川桂者爲西南人，籍於晉陝甘新者爲西北人，蓋以立名太泛，語不成詞故耳。元代嘗稱長江以南爲南人，以別於漢人蒙古人，（註十六）其後又有南人北人之分，大抵由江河流域而定，然皆指吾國以內之人也。晚近又有西人之稱，蓋指由歐美遠來之西方人又以日本在吾國之東，於是一稱西人東人，即知其非中國人，何以而有此別，蓋由習稱使然，持此以論東北人之稱，則益知其不當。然而今人一聞東北人之稱，未有不知其爲籍於遼吉黑熱四省者，此亦用稱名省略之例，以爲東北四省人之簡稱耳。且爲搏成一氣應付現局計，概稱東北亦足以加強集體力量，不得謂爲無益。究之同爲中國人民，而有北人南人之殊稱，一若春秋戰國時之秦人越人，儼同異國，視其肥瘠漠然而不關於心，是爲自兆分裂，不惟東北人之稱爲無當，即各以省分，而稱爲遼寧人吉林人黑龍江人熱河人，亦微有可商之處。他日失土收復，重觀承平，仍以各冠省名爲專稱，總稱東北四省人爲泛稱，而東北人之稱不可久用，則可斷言。

綜上所述，可得下列數義：

一，東北一詞爲概括名稱，而非固定名稱。

二，東北爲對內所用之名詞，而不得作爲國際名詞

三，國際名詞應四省各用本名，亦可概稱爲東北四省，或東四省，而不得簡稱爲東北。

四，東北之稱爲對待滿洲爲國而存在，他日於滿洲之名，既絕對不用，則東北之稱亦同時失其重要性。（今日尙有東北行轅之機構爲例外）。

五，東北人之稱爲不順，應改稱東四省人，或竟廢而不用。

往者卡君宗孟嘗撰「釋東北」一文，（註十七）而余亦撰「東北釋名」（註十八）示之於外，爾時曾謂「爲政必先正名，必以東北立名，而內外之界始明」，猶爲對待日人以滿洲名我東北而發。今日論旨，與前微異，良以用爲對外之國際名詞，尤重於對內，而國內尙少有人權論及此，故聊貢鄙見，撰成此篇，願與國內賢達共商榷焉。

註一，漢魏皆以遼東玄菟兩郡，當今遼吉二省之地，而遼東之名尤著，明代則概稱今東四省爲遼東。

註二，晉書及北史屢見遼海之名，唐初猶然，皆指今之東北。

註三，唐置安東都護府以統高麗故地，未幾遂以安東爲今東北之概稱。

註四，清稱瀋陽爲盛京，並以盛京等處概指後來之東三省。

註五，宋洪皓著松漠記聞，清楊寶著柳邊紀略，皆記在東北之見聞。

註六，謂在山海關以東。以上俱見拙著東北釋名及東北通史卷一。

註七，民國十一年中央各派張作霖督辦東北邊防屯墾事宜，兼轄四省，是時編制陸軍，遂悉冠以東北之名，十七年又設東北邊防軍司令長官，是時遂泛稱四省駐軍爲東北軍，後雖移住河北陝西，而其名不變，是知以東北概稱四省，乃由東北軍之名而益確定。

註八，見滿洲源流考卷一，

註九，南滿之名起於俄人之築南滿洲支路，日俄戰後日人乃以長春以南爲南滿，並稱長春以北爲北滿。

註十，內蒙哲里木盟十旗，今分隸於遼吉黑三省熱河東部爲卓索圖盟，今俱設治。

註十一，江蘇省由江寧蘇州二府得名，福建省由福州建寧二府得名，安徽省由安慶徽州二府得名，甘肅省由甘肅二州得名。

註十二，外人之稱滿洲，始於日俄兩國，而他國人襲用之。

註十三，江蘇安徽兩省，原名江南省，再合江西省，故稱兩江，實三省也。湖廣之名始於元代，本爲宋代荆湖廣南諸道之統稱，明清二代於湖北湖南兩省，合稱湖廣，則名不副實。

註十四，見某省政廳呈行政院文。

註十五，見益世報。

註十六，元代分人民爲蒙古人色目人漢人南人四種。

註十七，見東北雜誌。

註十八，見東北叢刊第一期。

以上爲東北一詞含有遼吉黑熱四省，亦即目前十省之義。不過熱河一省於民國十年汲金純入熱爲都統，始列入東北範圍，而熱河自古以來似即依東北與華北二大勢力消長定背向，或介於兩者之間以爲緩衝，拉鐵摩爾所謂過渡地帶是已。因爲該地處陰山餘脈之東，爲流入東北遼河平原與華北冀東平原各水系之上游，如一旦據之作爲一方進出之根據地，則有居高臨下，以控制任何方面之勢。故該地自古迄今爲南北雙方必爭之地，所有史例，容於後篇述之。

當九一八事變發生，日人即擬染指熱河，以冀實現其「滿蒙政策」之迷夢。繼見利誘不成，遂於民國二十二年一月末大舉出兵熱河，二週之內完成軍事行動，於是平津直接受威脅，終有「塘沽協定」之成立。假使無此協定以緩和日人積極向華北進兵，則能否容許我於二十六年七月開始抗戰，實成爲一大疑問。故熱河是否應該劃入東北範圍，值得詳加研究。